



1. Organisaziun, cundiziuns generalas

1.1 Adressa da contact:

Uffeci da baghegiar Laax:
Marcel Albin
081 921 51 53
bauamt@laax-gr.ch

Pedel dalla scola:
Philipp Loher
076 441 78 93
pedellaax@scolaviva.ch

Secretariat da scola:
Scolaviva
081 921 59 88
secretariat@scolaviva.ch

1.2 Intent:

Quest regulativ da menaschi regla il diever dall'aula e dalla halla da gimnastica per tiazas persunas. Siu intent eis ei d'observar e mantener uorden, schubradad sco era la segirtad dil menaschi.

1.3 Precedenza menaschi da scola:

L'aula e la halla da gimnastica ein en emprema lingia a disposiziun al menaschi da scola. Aschinavon ch'ei selai cunvegnir cul menaschi da scola, san ils stabiliments vegnir surschai encunter ina taxa ad uniuns e privats.

1.4 Survigilanza:

Il pedel dalla casa da scola ei responsabels per la survigilanza dalla halla da gimnastica e dall'aula. Constataziuns d'in secunter falliu annunzia el agl uffeci da baghegiar.

1.5 Perdita da clavs

Clavs piarsas ni ch'ei buca pli vegnidas returnadas sforzan d'adattar la serradira. Ils cuosts che seresultan ha il caschunader da portar

1.6 Responsabladad ed obligaziun da diligenza:

Aschinavon che la lescha ha buca reglau ei, escluda la vischnaunca da Laax scadina responsabladad per donns da rauba e da persunas. La vischnaunca ei buca responsabla per vestgadira ed objects da valor persunals dils utilisaders. Tuttas utilisadras ed utilisaders s'obligheschan d'observar quest regulativ sco era da duvrar igl object confidau conform agl uorden e cun quita. Per donns e tschuffergnadas ein ils caschunaders responsabels.

2. Halla da gimnastica

2.1 Reservaziun:

Reservaziuns per la halla da gimnastica ein d'inoltrar mintgamai gl'avrel, suenter la publicaziun corrispundenta el Fegl uffical e la pagina d'internet www.laax-gr.ch. Era uniuns e persunas privatas che han reservau la halla gl'onn precedent respectiv gl'onn current, han da far ina damonda pigl onn da scola niev. La repartiziun ch'ei vegnida fatga inagada vala buca sco mussament per in dretg legal. Il plan d'occupaziun definitiv approbescha la suprazionza communal mintgamai l'entschatta zercladur.

2.2 Temps serrai:

La halla da gimnastica sa buca vegnir duvrada:

- a) durant las vacanzas d'atun, da Nadal e da primavera;
- b) durant las vacanzas da stad;
- c) ils firai cumandai.

Damondas per l'utilisaziun durant ils temps da vacanzas indicai sura (a – c) vegnan tractadas individualmein.

Circumstanzas specialas san caschunar ch'ins sto serrar parts dil stabiliment ordeifer il temps ordinari. En tals cass vegnan ils responsabels dallas uniuns orientai.



2.3 Clavs:

Las clavs surdat il secretariat dalla Scolaviva encunter tuttascriziun. Il termin ei da coordinar ordavon telefonicamein ni cun e-mail. Igl ei da deponer anticipadamein ina summa da 100 francs. Van clavs a piarder, vegnan ils cuosts facturai als responsabels.

2.4 Zona libra da drogas, alcohol e nicotin:

La halla da gymnastia ei ina zona libra da drogas, alcohol e nicotin.

2.5 Diligenza e risguard:

Localitads, implonts, urdeins da sport e mobiliar ein da duvrar cun quita. Ils utilisaders procuran per uorden perfetg, secuntegnan cun risguard, fan buca damemia canera e gidan d'evitar accidents. Cun bandunar la halla da gymnastica ein tuttas cazzolas da stizzar e serrar escha e finiastras. Donns e tschuffergnadas ein d'annunziar immediat al pedel dalla scola. Survetsch sanitar e garanzia dalla segirtad ein caussa digl utilisader.

2.6 Equipadi persunal:

Durant il menaschi da gymnastica e da sport astg'ins passar ella halla sulettamein: cun calzers adattai per la halla da gymnastica e che laian buca anavos taccas da colur, ni era a pei-blut. Vegn la halla duvrada per auters intents, sco p. ex. concerts, sto il plantschii vegnir cuvretgs culs teppis specials destinai per quei scopo. Els locals dallas duschas astg'ins passar mo a pei-blut ni cun sandalas da far la duscha.

2.7 Material ella stanza d'urdeins:

Il material ed ils urdeins da gymnastica ch'ei ella stanza d'urdeins vegnan mess a disposiziun a gruppas ed uniuns.

2.8 Attenziun allas disposiziuns:

Las disposiziuns dil personal responsabel per la halla da gymnastica ein da suandar strictamein. Persunas che setegnan buca a quellas ni allas prescripziuns d'utilisaziun, san vegnir tarmessas naven ni exclusas da duvrar la halla.

2.9 Dismessa e schubergiada:

Gl'utilisader sto rimnar il rumien e dismetter quel els conteniders corrispundents.

2.10 Obligaziun d'enconuschientscha dil regulativ:

Tut ils utilisaders dalla halla da gymnastica ein obligai da comunicar a lur commembers il cuntegn da quei reglament. Las suprastonzas dallas uniuns ed ils menaders portan la responsabladad enviers la vischnaunca da Laax.

2.11 Urari da menaschi:

Ils utilisaders ston respectar las uras da menaschi dalla sera. Naven da gliendisdis tochen sonda ei quei per regla las suandontas: Bloc d'utilisaziun: dallas 16.00 – 22.00 (la sonda gl'entir di). Per garantir in menaschi ordinau ston las uras da finiziun vegnir respectadas strictamein. Da dumengias e firaus ei la halla buca a disposiziun. Las damondas d'utilisaziun vegnan tractadas individualmein.

2.12 Gruppas da giuvenils:

Affons da scola ni gruppas da giuvenils tochen 18 onns astgan ir ella halla sulettamein accumpignai d'in menader carschii.



2.13 Taxas d'utilisaziun halla da gymnastica:

utilisaziun halla da gymnastica:	unidad:	cuosts en CHF:
uniuns dil vitg, 1 sera ad jamna	entir onn	200.-
uniuns dil vitg, 2 ni pliras seras l'jamna	entir onn	400.-
associaziuns resp. uffecis da sport (p. ex. Grischun Sport, Mupi) che porschan programs organisai per promover il moviment dils affons	entir onn	gratuit
uniuns en camps da sport (sulettamein cun pernottaziun a Laax)	1 jamna	400.-
uniuns en camps da sport (sulettamein cun pernottaziun a Laax)	mintga gada	150.-
privats domiciliari en vischnaunca che organiseschon puschidas da sport, sault ni autras	per bloc da trenament / tochen 12 lecziuns	200.-
privats, buca domiciliari en vischnaunca, che organiseschon puschidas da sport, sault ni autras	per bloc da trenament / tochen 12 lecziuns	400.-

3. Aula e cuschina

3.1 Reservaziun:

Reservaziuns per l'utilisaziun dall'aula san vegnir fatgas da tut temps.

La damonda sa vegnir inoltrada directamein sil suandont link:

<https://www.laax-gr.ch/miete-reservation.php>

La repartiziun definitiva dallas damondas ch'ei arrivadas ei caussa digl uffeci da baghegiar Laax. Ordavon drova ei denton la lubientscha dalla suprastanza communal.

3.2 Temps serrai:

Circumstanzas specialas san caschunar ch'ins sto serrar parts dil stabiliment ordeifer il temps ordinari. En tals cass vegnan ils responsabels dallas uniuns orientai.

3.3 Clavs:

Las clavs surdat il secretariat dalla Scolaviva encunter suttascripziun. Il termin ei da coordinar ordavon telefonicamein ni cun e-mail. Igl ei da deponer anticipadamein ina summa da 100 francs. Van clavs a piarder, vegnan ils cuosts facturai als responsabels.

3.4 Zona libra da drogas, alcohol e nicotin:

L'aula vala sco zona libra da drogas, alcohol e nicotin. Ell'aula sco era els zulèrs e foyer eis ei scumandau strictamein da fimar. Per occurrenz cun ustria ei la condeschida d'alcohol d'indicar cun crusch sil formular d'annunzia.

3.5 Diligenza e risguard:

Localitads, implonts, urdeins da sport e mobiliar ein da duvrar cun quita. Ils utilisaders procuran per uorden perfetg, secuntegnan cun risguard, fan buca damemia canera e gidan d'evitar accidents. Cun bandunar la halla da gymnastica ein tuttas cazzolas da stizzar e serrar escha e finiastras. Donns e tschuffergnadas ein d'annunziar immediat al pedel dalla scola. Survetsch sanitar e garanzia dalla segirtad ein caussa digl utilisader.

3.6 Dismessa e schubergiada:

Suenter il diever ston ils utilisaders schubergiar ils implonts. Alla fin vegn il pedel dalla casa da scola ad inspectar quels.

Gl'utilisader sto rimnar il rumien e dismetter quel els conteniders corrispundents.



3.7 Obligaziun d'enconuschientscha dil regulativ:

Tut ils utilisaders dalla halla da gymnastica ein obligai da comunicar a lur commembers il cuntegn da quei reglament. Las suprastonzas dallas uniuns ed ils menaders portan la responsabladad enviers la vischnaunca da Laax.

3.8 Cuschina el foyer:

Tenor diever sa la cuschina el foyer vegnir prida si ensemen cull'aula. Alla fin sto la cuschina vegnir bandunada en uorden e schubergiada.

3.9 Cuschina da scola

Per cuors ed occurrenzas sa la cuschina dalla casa da scola vegnir prida si. Alla fin sto ella vegnir bandunada en uorden e schubergiada.

3.10 Taxas d'utilisaziun aula + cusquinas:

Utilisaziun per onn => onn da scola => uost – fenadur

utilisaziun aula	unidad:	cuosts en CHF:
uniuns dil vitg	1. utilisaziun entir onn	gratuit
uniuns dil vitg	2. ed ulteriuras utilisaziuns ad onn	100.-
autras uniuns ed instituziuns	per gada	150.-
uniuns dil vitg durant gl'entir onn, per cuors e.a.v. (diever jamnil)	per onn	150.-
utilisaziun aula cun cuschina dil foyer	unidad:	cuosts en CHF
uniuns dil vitg	1. utilisaziun entir onn	gratuit
uniuns dil vitg	2. ed ulteriuras utilisaziuns ad onn	100.-
autras uniuns ed instituziuns	per gada	250.-
utilisaziun cuschina dalla scola	unidad:	cuosts en CHF
uniuns dil vitg	1. utilisaziun entir onn	gratuit
uniuns dil vitg	2. ed ulteriuras utilisaziuns ad onn	100.-

Approbau dalla suprastonza communal il 24 da settember 2019.
Entra en vigur il 1. d'october 2019.

Suprastonza communal Laax

Il president:

Franz Gschwend

Il scarvon:

R. G. Coray